

DISSERTATIO INAVGVRALIS MEDICA
DE
FLVORE ALBO BENIGNO

QVAM
SVB DIVINIS AVSPICIIS
RECTORE MAGNIFICENTISSIMO
SERENISSIMO DVCE
ERNESTO AVGVSTO
CONSTANTINO,

DVCE SAXONIAE, IVLIACI, CLIVIAE, MONTIVM ANGARIAE,
WESTPHALIAE, RELIQA.

ET PRAESIDIO
CAROLI FRIDER. KALTSCHMIED

L. T. RECTORIS MAGNIFICI PHILOSOPH. ET MED. DOCTORIS.
ANATOMIAE CHIRVURGIAE ET BOTANICES, PROF. PVBL. ORDINARIJ
SERENISS. DVC. SAKO VINARIENSIS ET ISENACENSIS ET SERENISS.
MARCHIONIS BRANDENBURGICO CVLMBACENSIS, CONSI-
LIARIJ AVLICI PRIORIS MEDICI ET PHYSICI, CO-
MIT. PALATINI CAESAREI ACAD. IMP.
NAT. CVRIOS. COLLEGAE.

PATRONI AC PRAECEPTORIS SVI PIE
DEVENERANDI

DIE XIII. DECEMBRIS MDCCXLIX.

PRO GRADV DOCTORIS
MORE MAIORVM RITE OBTINENDO
PVBLICAE ERVDITORVM DISQVISIONI
SVBMITTIT

A V C T O R

IOANNES GOTTLIEB HENTRICH SAXO.

IENAE LITTERIS IO. CHRISTOPH. TENNEMANNI.



§. I.

Fluor albus benignus est euacuatio
p. n. siue stillicidium feri visceri
ex partibus genitalibus mulie-
rum, a collectione humorum pituitosorum
et debilitate vasorum, in partes genitales prae-
cipue internas, hiantium.

§. II.

Morbi, cum quibus fluor albus benignus aliquam habet propinquitatem, a quibus tamen diuersus est, sunt; menses decolorati, fluor albus malignus, falacitas nimia. Menses decolorati oriuntur, si vasa vteri sunt vel nimis rigida, vel si sanguis est nimis viscidus, vt non, nisi serum tantummodo album, vel tantum instar loturae carniū

coloratum, per vasa non sufficienter aperta effluere possit. Tales menses decolorati tantum apparent tempore mensium instantium. Contra vero fluor albus benignus quoque tempore interualli inter mensium fluxum fluit et serum viscidum exstillat et tempore instantium mensium cessat, atque fluxui mensium liberum concedit spatium. Simul menses decolorati non numquam loturae carnis similem praebent materiam. Fluor vero albus benignus semper serum tantummodo viscidum, albicans, lacteum effundit.

§. III.

Fluor albus benignus differt a maligno tam ratione materiae, quae euacuatur, quam ratione causae. Materia enim, quae in fluore albo maligno effluit, est acris, purulenta, varieque colorata et foetida et ita corrosiua vt vaginam vteri, vuluam, immo et crura illasque partes, quas attingit, erodat, simul hic morbus oritur ex fermento venereo, quod partibus genitalibus commistum, illas erodit et exulcerat. Ex quibus vasis erosio materia purulenta effluit, omni tempore, etiam durante fluxu mensium, quum tamen benignus isto tempore cesset.

§. IV.

§. IV.

Salacitas denique nimia foeminarum est, si vel per colloquium vel per cogitationes, vel per parerga venerea, foeminae mucum quendam viscidum in lacunis vel prostaticis Bartholini secretum, ex genitalibus excludunt, quem semen dicunt foeminarum. Sed quamvis non negandum sit, quod hic affectus idem pariter sit ac gonorrhoea simplex, et a fluore albo non nisi gradu differat, tamen in eo differt, quod fluor albus perpetuo duret, etiam sine libidine.

§. V.

Causam immediatam nostri affectus dicimus talem p. n. corporis constitutionem qua vasa circa partes genitales sunt nimis laxa, et debilia, et serum in corpore abundat. Quod si enim tunc serum per causas quascunque remotiores in corpore augetur et versus partes genitales mulierum determinatur, tunc illa vasa, quia sunt debilia, impetui fluidorum atque collectioni feri minus resistere possunt: hinc se expandunt, serumque congestum transmittunt.

§. VI.

Vasa quae partibus genitalibus foeminarum

rum sanguinem adferunt, aduectumque reue-
hant, sunt

1. arteriae spermaticae, tam ouario quam li-
gamentis vteri, tubis fallopianis, fundoque
vteri ramos suppeditantes.
2. Arteriae hypogastricae, quae ceruici et
fundo vteri superiorique vaginae vteri,
parti, quamquoque vesicae aliisque parti-
bus in pelui sitis, ramos largiuntur.
3. Epigastricae arteriae, quae partim vtero
sanguinem adferunt, partim per muscu-
lum rectum ascendentes arctam cum vasis
mammariis habent anastomosin, atque
consensum momentaneum mammas inter
et vterum, clarissime demonstrant.
4. Arteriae pudendae, quæ ab iliacis inter-
nis ortae, partes genitales muliebres, prae-
cipue externas sanguine irrigant.

Cunctae hae arteriae, venas concomitatae, ita
inter se complicantur, vt Ruyschiana arte
praeparatae nihil admirabilius videri possit.
Ex hac enim complicatione, vasorumque cir-
cumuolutione id obtinetur, vt gestationis
tempore, per solam vasorum expansionem
vterus in ingentem molem expandi possit.
Harum arteriarum fines vel anastomosin cum
venis celebrant vel aperti hiant in cauitates
tam

tam tubarum Fallopiantarum, quam vteri eiusque vaginae, ex quibus humor destillat, aquosus, viscidus, qui obducendo parietes horum canalium, adhaesionem seminis impedit, viasque lubricat. Si vero hi fines praeter naturam ampliantur, tunc vel menses fluunt vel fluori albo, aliisque symptomatibus porta aperitur.

§. VII.

Quodsi itaque vnum vel quaedam horum vasorum sint debilia, i. e. interstitia illorum sunt partibus specificè leuioribus repleta: tunc orietur ex inde morbus malae conformationis et quidem laesae figurae internae, qui dicitur laxitas, et est impotentia decenter resistendi impetui partium fluidarum. Tunc si augetur impetus partium fluidarum praecipue serosarum, haec vasa debilia non sufficienter resistere poterunt impetui humorum, qui tam ex systole cordis et arteriarum pressi, quam ex pondere et adhaesione expandere conantur vasa. Huic actioni fluidorum, si tonus physicus debilitatus minus resistere potest, vasa expanduntur, et vltimi fines eorum aperiuntur, oritur itaque anastomosis et vasa aperta serum transmittunt ad haec loca congestum.

§. VIII.

§. VIII.

Serum itaque quatenus abundat et versus partes genitales muliebres determinatur vasaque vteri quatenus sunt debilia et laxa causam constituunt mediatam proximiorum floris albi. Contra vero remotiores erunt omnes illae causae quae serum abundans reddunt, illud versus genitalia mulierum determinant et vasa illarum partium debilitant.

§. IX.

Seri quantitatem nimiam augent

- i. Res non naturales et quidem aer humido frigidus, qui impediendo transpirationem et si eius humidum per venas bibulas cutis absorbetur non retinet solum in corpore sed et auget serum. Cibus viscidus et crassus, qui inviscando serum illud ad fetet et excretionem reddit ineptum. Potus abundans frigidus, item acidus, seri quantitatem auget, spissum ac viscidum illud reddit. Immo spiritus vini vel frumenti nimia ingurgitatio suam confert symbolum, quia experientia docet, illum reddere serum viscidum. Quies et somnus si diutius continetur et illa animi pathemata quae motum

motum spirituum deprimunt, occasionem largiri huic malo possunt facillime.

2. Res naturales, quae huic morbo maxime obnoxiae sunt, erunt aetas illa a fluxu mensium incipiente, vsque ad emanfionem illorum. Quamuis quoque exempla quamvis rariora existant, vt etiam ante pubertatem et post cessationem mensium obseruetur, vti Magnificus et Illustris Dominus Praeses exemplum virginis nouit, quae, faepius et anno aetatis 64 hoc fluore albo laborauit. Temperamentum phlegmaticum et habitus corporis oboesus corpus praebent iam impuritibus serosisrepletum.

3. Res denique praeternaturales, siue alii morbi, qui feri abundantiae fauent sunt cacochymia pituitosa et exinde orta cachexia, praecipue species eiusdem chlorosis dicta, excretionisque aliae serosae quae antea familiares fuerunt, nunc vero sunt impeditae et obstructae. Si itaque huic abundantiae feri aliae accedunt causae, quae serum versus partes genitales femininas determinant et vasa harum partium debilitant: tunc orietur stagnatio siue congestio feri versus haec loca, exstagnatione, dilatatio et effluxus feri succedet.

§. X.

Id quidem praestant

1. naturalis vasorum vteri et ceterarum partium genitalium debilitas, quippe in quibus propter mirandam vasorum vteri complicationem et convolutionem, iam secundum naturam, humorum motus est tardus. Unde adhaesio et pressio sanguinis in haec vasa augetur. Expanduntur vasa itaque, cohaesio fibrarum, vasa constituentium immittitur et illa fiunt debilia. Adeoque videmus, ut si in sexu sequiori ex qualibet causa motus et rarefactio humorum augeatur, tunc fere semper recursus et congestio humorum fiat versus vterum.
2. Lasciuia nimia foeminarum occasionem largissimam praebet fluori albo benigno. Namque dum propter lasciuiam, spiritus animales, in maiori quantitate determinantur versus genitalia, hi spiritus se miscent cum sanguine, tam in corporibus cauernosis tubarum Fallopiarum quam in fibris muscularibus vteri eiusque vaginae contento. Per hanc miscelam spirituum cum sanguine hic rarefit fibrasque fortius expandit, ex expansione hac sequitur debilitas, ut vasa impetui fluidorum minus resi-

resistere possint. Haec vero debilitas eo magis augetur, si massa sanguinea cacochymia laborat pituitosa, id est sero aquoso, viscido abundat. Tunc enim fibris dilatatis, et expansis adhaerent partes massæ sanguineae specificè leuiiores, et ex adhaesione in interstitia vasorum, per expansionem vasorum aperta, penetrant. Si vero parietes vasis sunt leuiiores, tunc minus cohaerent et dilatationem patiuntur: plura de hisce vide in Magnifici et Illustris Domini Praesidis dissertatione, elaborata de Nymphomania.

Eandem ob causam.

3. Viduae vel mulierculae, debilibus maritatae viris huic malo magis sunt obnoxiae, quia per motam quidem lasciuiam, sanguinis et spirituum versus genitalia accumulatio augetur, attamen non satiatae, subsistunt humores viscidi, nec sub forma feminis eiiciuntur. Hinc stagnatio et expansio et vasorum debilitas presso pede sequitur.
4. Menses porro si non decenter fluunt, vel propter visciditatem vel propter impetum sanguinis imminutum, vasa præter modum expanduntur et debilitantur. Si enim plethora adest et sanguis circa vterum con-

geritur, tunc expanduntur quidem vasa, sed non in tali gradu, vt globuli sanguinei per vasa expansa penetrare possint. Hinc menses tantum sequuntur decolorati. Interim debilitantur vasa per expansionem, vt in posterum feri adfluxui non resistere possint, sed illud transmittant.

5. Refrigeratio genitalium crebra parietes tam vasa vteri debilitat, quam serum in illis partibus auget, et circulum eiusdem sistit. Eam ob rationem lotrices et qui stratis lapideis insistant creberrime tam mensium obstructionem, quam hunc morbum patiuntur.

§. XI.

Si itaque tales causae praegressae fuerint et tam serum, partesque pituitosae abundant, quam vasa vterina fuerint debilitata: tunc augebitur secretio illius materiae ferosae viscidae, quae ex arteriis serosis partium genitalium exstillat, et vias tam ab urinae acrimonia quam siccitate defendit, ne propter aerem iniuriasque externas statim laedantur. Simulque prohibet hic mucus, ne semen adhaereat et in motu suo ac directione versus ovaria per adhaesionem ad parietes viarum, quas transit, impediatur. Si hoc serum ex poris
vaso-

vasorum exsudat, tunc iterum absorbetur per venas bibulas vel vasa lymphatica, et ad sanguinem reducitur. Ita vt aequalis semper feruetur proportio inter secretionem et absorptionem, ratione tamen simul habita ad id, quod per genitalia transpirat.

Sin vero plus fecernitur, quam iterum absorberi possit, vel si absorbtio eiusdem imminuitur. Tunc serum viscidum pituitosum exstillet necesse est et tam labia vulvae, quam crura humectat. Hocce stillicidium, quamuis fatis molestum sit, tamen materia, quae destillat, non erodit labia vulvae vel crura ut dolor inde oriatur, plane enim vacat a fermento venereo et id, quod exstillat, est pituita solum et eadem ratione se habet ac coryza, ceteraeque serosæ euacuationes; ita ut fluor albus benignus coryza vteri dici mereatur.

§. XII.

Continuat hocce feri stillicidium ab uno fluxu mensium vsque ad illud tempus, in quo iterum instant vel quoque modo cessat, modo iterum redit et per quosdam dies durat et iterum cessat, nunquam vero certa tempora seruat. Tunc uero fluxui mensium liberum concedit spatium et tamdiu definit

donec fluxus mensium iterum cessauerit, hoc vero cessante, suam iterum ludit fabulam. Causam enim fluoris albi, constituimus dilationem talem arteriarum, ut serum in nimia copia effluat. Quoniam vero secundum Leuwenhoekü dogmata globuli sanguinei maiores et quidem sexies maiores sint, quam globuli serosi, ideoque per vasa ita dilatata effluere quidem possunt globuli serosi, remanentibus tamen globulis sanguineis, quoniam propter angustum, relative ad globulos sanguineos, orificium effluere non possunt. Quod si vero plethora vel quantitas humorum in corporibus femininis augetur et lunari tempore motus quidam fermentatiuus in illo excitatur: tunc augetur impetus fluidorum: fluida vasa expandunt, vasa expansa se contrahunt reagendo et fluida contenta propellunt.

Fluida pressa tendunt quaquaversus sed magis eo, ubi minor est resistentia, cum vero vasa partium genitalium in sexu sequiori minimam praebeant resistentiam, ideoque ibi residet et vasa expandit, ita ut orificia in cauitates vel tubarum Fallopiarum vel uterihiantia dilatentur et sanguinem rubicundum transmittant. Cessat itaque fluor albus benignus, quoniam, loco feri nunc sanguis trans-

§. XIII.

Interim ea phaenomena in fluore albo obferuantur, quae ex intemperie frigida et humida et cacochymia pituitosa fequuntur. Adest nempe habitus corporis tumidus et color cutis ex albo flauescit, propter stagnationem feri viscidum in tunicae adiposae cellulis. Adpetitus est prostratus, quia menstrua sunt nimis aquosa et falia acida menstrui ventriculi sunt nimis diluta, vt neque ventriculi fibras irritare, neque illas ad contractionem stimulare possint. Actiones omnes, tam animales, quam vitales et naturales sunt admodum debilitatae

tae et imminutae. Ad vigorem enim illarum requiritur tam influxus spirituum animalium congruus, quam tonus physicus sufficiens fibrarum, vterque vero in fluore albo deficit. Ex tali enim massa sanguinea, vbi serum pituitosum abundat et salia eiusdem sunt nimis diluta, secretio liquoris alcalico sulphurei minime decenti gradu fieri potest. Ideoque digestio ita est imminuta vt per leuissima diaetae vitia statim cruditates generentur, imo vt putrescant ingesta, vnde diarrhoea, ructus, flatus sequuntur, quam quoque chylicatio laeditur, vt qualitas vitiosa massae sanguineae magis increascit.

§. XIV.

Pariter quoque pulsus mollis est et debilis, quia massa sanguinea pituitosa vasa emollit, fibrasque relaxat et quia spiritus deficiunt, qui celeriores systolen et diastolen producere possent. Calor est insigniter imminutus, ita vt ad leuissimum frigoris accessum extrema praecipue refrigescant. Calor enim ex actione oritur salium in sulphur; quum vero in tali massa sanguinea serum abundet, tunc salia, cum sint in maiori menstrui quantitate soluta ad actionem, in sulphur sunt magis inepta, ideo-

ideoque materia, pro calore conseruando vel statim transit in corpus frigidum, vel reliquus sanguis non sufficientem ad excitandum calorem copiam largitur. Obseruatur tamen non numquam caloris cuiusdam quasi hecticici phaenomenon, praegressis praecipue horripilationibus. Quum vero hæc febrilis cuiusdam vel inflammatorii status signa sint, ita quoque (secundum thesin illam Praenobilissimi et Experientissimi D. I. D. Mittelhaeuseri, Practici felicissimi et Physici Weissenfelsensis, Patroni ac Praeceptoris mei aeternum deuenerandi, qua plurimis, tam theoreticis, quam practicis demonstrationibus clarissime euincit, inflammatorium quendam statum, in omnium, ab internis causis ortorum morborum historia, concurrere: Quam, erudito quodam tractatu, de vniuersalitate congestionum et inflammationum inscripto, orbi erudito breui communicabit.) suspicari licet, concurrere quandoque simul cum fluore albo, inflammationem quandam vel quasi. Facile enim fieri potest, vt serum, per stagnationem acrefactum resorbeatur a venis et redeat in sanguinem.

§. XV.

Vrina est albicans et aquosa, immo nonnunquam lactea, quoniam Ais actio deficit, quod, si vrinae ad miscetur, illi colorem impertit. Vires simul sunt maximopere debilitatae, omnesque actiones sunt lassae et somnolentae, somnusque est nimius, tam propter defectum spirituum, quam aquositatem humorum.

§. XVI.

Adpetitus venereus, in initio floris albi benigni, est admodum imminutus, immo in coitu exiguum sentiunt voluptatem, multique putant steriles plane esse eiusmodi foeminas. Verum quidem est, exinde ma-

gna conceptioni et gestationi ponitur remora, attamen hic cum distinctione respondendum putarem. Mihi enim ipsi, Cizae praxin exercenti medicam, casus obuenit, vbi honesta et egregia quaedam vxor, anno suae aetatis decimo quarto maritata, fluorem album passa est; Attamen, hoc continuante, tam concepit, quam rite gestauit, et decenti tempore infantem bene factum exclusit, quum tamen, per totum gestationis tempus, fluor albus perdurauerit. Diuersa enim sunt loca vbi serum stagnare et vasa dilatare potest. Habemus enim tam ouaria, quam tubas Fallopianas, vterum, atque vaginam, quae per arterias spermaticas, epigastricas, hypogastricas et pudendas irrigantur, et non omnes vnum idemque in generando habent officium. Sic itaque merito sterilitas inde suboriri vel saltem coniuncta esse potest, si stagnatio, serique adfluxus fuerit in ouario vel tubis, vel etiam in fundo vteri. In ouario enim formatio et nutritio ovuli per stagnationem impediretur. Si tubae Fallopianae sunt adfectae, tunc rigidae non euadunt in aestu venereo, adeoque neque fimbriae earundem ouarium cingere et semen ad ouarium ferre possunt. Et si hoc quoque fieret, tamen altera earundem rigiditas non facile fieri posset, quae iterum ouarium cingentes, ovulum ob ouario separatum, ad vterum ferre debent. Si vterus est affectus, tunc eiusdem adhaesio ad substantiam vteri esset impedita, quia serum et mucus nimius obstat. Verum si tantummodo vaginae vteri vasa dilatationem sunt passa, quid hoc nocere potest conceptioni. Vagina enim nulli in conceptione inferuit officio, quam vt penem recipiat. Si enim semen, pleno saltu, in vteri salit orificium apertum, tunc omnia ad generationem pertinentia requisita absolui possunt sine villo detrimento. Eandem quo-

quoque causam reputavi in casu adducto. Passa enim est ante plenariam acceptam pubertatem coitum. Hinc cum vasa adhuc fuerint debilia et tam violentam expansionem vaginae passa sit, quam facillime fieri potuit, ut debilitas iam praesens adhuc magis fuerit aucta, unde dilatatio et feri transmissio orta.

§. XVII.

Quod ad Prognosin attinet, omnino fatendum est, morbum esse chronicum, et resistere diu curationi, quoniam nimia atonia siue vasorum debilitas non facile curari potest. Requiritur enim ut partes specificè leuiiores, quibus vasorum interstitia repleta sunt, expellantur, hoc vero non fieri potest, nisi euacuatione sufficiente et correctione totius massae sanguineae. Periculo tamen vacat et diu absque notabili detrimento adesse potest. Quod si vero diutius nimis durauerit et qualitas massae sanguineae insigniter laesa sit, ad varios morbos disponere potest. Et quidem duplici ratione. 1. quatenus est fluor albus benignus, 2 quatenus cum cacochymia pituitosa coniunctus est.

§. XVIII.

Fluor albus, si non legitime tractatur, vel si nimis diu durat, tunc facile fieri potest, ut serum stagnans acre fiat, vasa erodat, vel putrescat. Si serum acre factum vasa erodit, tunc loco feri, excernitur materia quaedam purulenta, quae simili modo vias, quas praeterlabitur, erodit et pari ratione, ac fluor albus venereus, malignus dici potest. Si vero pus non excernitur, sed per absorbentia vel adstringentia eius effluxus impeditur, tunc per venas redit in sanguinem et in eo statum quendam fermentatiuum, quem resolutionem dicunt, excitat. Quoniam vero serum est



viscidum, hoc resistit actioni salium acrium, ut non evidens quidem febris, attamen cacochymia atrabilia et status hecticus vel lentus inde oriatur.

§. XIX.

Ratione cacochymiae vero pituitosae, fluiori albo coniunctae, varii affectus serosi, cachexia, leucophlegmatia, anasarca et diuersa hydropis genera inde oriri possunt. Praecipue vero hydrops ouarii, si scilicet glandulae, huius corporis glandulosi sunt induratae, tunc lymphae, quae haec loca per vasa lymphatica praeterfluit, non rite circulatur. Serum enim in hisce glandulis stagnans expandit vasa et glandulas, crassum fit hoc serum et successiue exsiccat, quoniam partes, adhuc humidae absorbentur. Vasa vero lymphatica comprimuntur a tumentibus glandulis. Haec itaque a sero expanduntur, formantur hydatides, quae si disrumpuntur, serum extrauasatur in abdomen et hydrops abdominis oritur, quae ascites dicitur.

§. XX.

In curatione fluioris albi indicans erit tam abundantia feri visci, quam atonia siue laxitas vasorum in partibus genitalibus mulierum. Ex hisce itaque indicantibus sequentes deduci poterunt indicationes et quidem.

- 1.) Serum viscidum abundans est corrigendum et ad euacuationem praeparandum.
- 2.) Serum correctum est per congrua loca euacuandum.
- 3.) Vasa genitalium debilia et atona sunt roboranda.
- 4.) Chylificatio laesa est restituenda.


§. XXI.

Serum viscidum corrigitur per medicamenta salina media et sulphurea blanda et temperata, id quidem

dem praestant nitrum, sit vel depuratum vel regeneratum vel crySTALLISATUM, arcanum duplicatum, ☿ ☉ latus, conchae praeparatae, oculi cancerorum, cum succo citri saturati, ☿ diaphorticum, radices cichorii, scorzonerae, bardanae, chinae, farfaeparillae, graminis, helenii Hb. scordii, scabiosae, veronicae, millefol. melissae, et essentiae ex temperatioribus alexipharmacis compositae. Horum medicamento-
rum vsus, si diu satis continuatur, tunc serum fit, fluidum et ad excretionem aptum.

§. XXII.

His praemissis, euacuatio eiusdem per loca congrua institui potest. Quae quidem in hocce morbo triplex esse potest, vel per poros cutis, vel per glandulas renales vel per glandulas intestinales. Diaphoresin tunc blandam promouent, pulueres absorbentes et diaphoretici, eff. pimpinellae, lignorum, scordii, vincetoxici, helenii, imperatoriae carlinae etc. Dcta. ex herbis, radicibus et lignis diaphoreticis. Praestantissima vero censetur euacuatio per glandulas intestinales, ita vt practici, quam diligentissime, tam in curatione floris albi, quam gonorrhoeae moneant, eum, qui bene purget, bene curare. Exhiberi itaque possunt pilulae ex extractis et resinis purgantibus, commixtae cum extractis amaris et gummatibus vt ex extracto absynthii carduibenedicti, centaurii minoris, trifolii fibrini, fumoriae, hellebori nigri, aloes, agarici, rhabarbari, panchymagogi Crollii et gummi galbani, sagapeni, opopon. mastich. thur. olib. repetita dosi adsumtae, imo et alia purgantia ex gialap. scamon. mechoacanna conducere possunt, immo &rius et ipse conueniet, quamvis nulla contagii cuiusdam sit suspicio. Tam enim viscidum resoluit, quam illud euacuat egregie. Di-



uresis vero simul, promouetur per ea, quae praeparationi feri conueniunt.

§. XXIII.

Quod si itaque serum sufficienter praeparatum et per congrua loca euacuatum sit, tunc tuto exhiberi possunt talia medicamenta, quae partes illas aquosas, specificè leuiiores, quae in interstitiis vasorum haerent, expellunt, partibusque specificè grauioribus replent. Id quidem praestant absorbentia et terrea, quae ex principio terrestri constant, vt succinum praeparatum, oculi cancrorum et conchae praeparatae, os sepie praeparatum, mater perlarum, cornu cerui vstum, ebur vstum, testae ouorum, creta cum aromatibus praeparata, pulvis cachecticus martialis, antihecticum Poterii, quibus admisceri possunt adstringentia, vt boli diuersi generis, terra lemnia, sigillata, silesiaca, catechu, radix tormentillae, bistortae, sigilli salomonis, consolidae maioris, herba prunellae, faniculae, agrimoniae, Flor. balbust. bellid. ros. rubr. exinde praeparatae essentiae extracta, decocta, Infusa etc. Ea tamen cautione adhibita, vt in initio adstringentia vel absorbentia leniora, cum resoluentibus permixtis, exhibeantur, donec successu temporis fortiora in vsum vocari possint. Quod si enim vasa prius constringantur quam sufficienter serum praeparatum et euacuatum sit, tunc obstructis vasibus, serum congeritur quidem versus partes genitales, sed quoniam effluxus eiusdem est impeditus, stagnat, et ex stagnatione vel acrescit et redit in sanguinem, ibique statum hecticum excitat, vel putrescit, et gonorrhoea benigna mutatur in malignam, non tamen veneream, vel quoque pressopede status cachecticus et successu temporis hydropicus sequi potest.

§. XXIV.

§. XXIV.

Cura sic absoluta, ad chylicationem decentem re-
stituenadm, illamque conseruandam, respiciendum est.
Ideoque praemissis, digestiuis, leniora laxantia, praeci-
pue Pilulae balsamicae commendentur, continuetur
tunc aperientibus et tonicis, donec tandem per amara,
atque aromatica et martialia, partibus debilitatis, decens
robur conciliari possit.

§. XXV.

Quod diaetae rationem concernit, vitentur omnia
illa, quae humores viscidos et pituitosos reddere, il-
losque ad genitalia determinare possunt. Eiusmodi
sunt cibi viscidi, duri, potus nimius, praecipue aquosus
et nimis spirituosus, quies, somnusque nimis diutius
continuati, animi pathemata, quae motum spirituum
deprimunt, vt tristitia, moeror, terror vitentur, atque
se-et-excretiones sartaee tectaeque conseruentur. Prae-
cipue euitentur crebrae genitalium frictiones vel cogi-
tationes venereae et caueatur quam diligentissime
ne aer frigidus pudendis accedere possit.



NOBILISSIMO ATQUE DOCTISSIMO
DOMINO
DOCTORANDO
S. P. D.
PRAESES.

Exhibuisti mihi *Dissertationem elaboratam, quam integram tibi reddidi, sperans fore, ut eandem mascule defendas, cum in examinibus Facultati nostrae exacte satisfeceris. Gratulor Tibi ingenii atque eruditionis specimina, apud nos decenter praestita, ex animo, nec dubito, quin multis olim aegrotis saluti, tuisque sis solatio. Et quo maiorem in addiscenda arte salutari adhibuisti diligentiam, eo maiores ex praxi medica Tibi spondeo fructus. Abi ad Tuos felici, faustoque omine atque sub diuina benedictione macte virtutibus Tuis atque indefesso labore diuinae gratiae inhiare ac laborum praemia expectare, reportare ac frui perge. Vale.*